

SINDIKAT SREDNJEG I VISOKOG
OBRAZOVANJA, ODGOJA, NAUKE I
KULTURE BOSNE I HERCEGOVINE

KANTONALNI ODBOR
KANTON SARAJEVO



TRADE UNION OF THE SECONDARY
SCHOOL AND HIGHER EDUCATION
EMPLOYEES, BREEDING, SCIENCE
AND CULTURE OF BOSNIA AND
HERZEGOVINA

CANTON COMMITTEE
CANTON SARAJEVO

Dj.br: 07-01-258/26
Sarajevo, 22.04.2026.godine.

Povodom nemilog događaja koji se jučer desio u jednoj sarajevskoj gimnaziji u kojem je profesorica fizički napadnuta od strane učenika na času, SSVONKBIH Kantona Sarajevo izdaje saopćenje za javnost:

Najoštrije osuđujemo jučerašnji događaj u kojem je naša kolegica fizički napadnuta u toku časa u jednoj sarajevskoj gimnaziji.

Prema informacijama koje imamo, intervenisala je policija i učenike koji su napali profesoricu sprovela u nadležnu policijsku upravu. Jedan broj učenika je punoljetan. Profesorica je zadobila ozljede i pružena joj je pomoć u zdravstvenoj ustanovi.

Ovaj događaj je logičan slijed i kulminacija haosa koji je u sarajevskim srednjim školama nastao kao direktna posljedica nakaradnih zakonskih rješenja koje je nametnulo resorno ministarstvo i Skupština.

Zakon o odgoju i obrazovanju u osnovnoj i srednjoj školi i pravilnici su u potpunosti obesmislili odgojno-obrazovni proces u srednjim školama. Sindikat je kontinuirano upozoravao na posljedice ovakvih rješenja i prije i poslije njihovog donošenja.

Odredba Zakona o obaveznom srednjem obrazovanju, čak i za punoljetne učenike je katastrofalno loša i kao takva ne postoji nigdje drugo osim u Kantonu Sarajevo. I upravo je ona dovela do toga da se u školama, u posljednje dvije godine, napadi na osoblje, nasilje među učenicima, pucnjava pred školom... praktično ne sankcionišu!

Podzakonski akti i procedure, koje kao da su pisali ljudi koji nikad u školi nisu radili, u praksi su odgojni rad stručnim službama onemogućili. Škole su pretvorene u birokratizirane sakupljače statističkih podataka koje nadležno ministarstvo interpretira kako mu odgovara. Ideja da će se ovakvim rješenjima škole učiniti sigurnijim (engl. SAFER) pokazala se suštinskom greškom Ministarstva, na kojima ono, nažalost, i pored kritika stručne javnosti i dalje tvrdoglavo insistira.

Događaj od jučer je posljednja opomena i upozorenje svima da se hitno moraju preduzeti koraci izmjena propisa kako bi se sunovrat i propadanje srednjeg obrazovanja u Sarajevu zaustavili. U protivnom, sarajevske škole ubrzo bi mogle početi ličiti na škole koje smo do sada imali priliku vidjeti samo u američkim horor filmovima.

Srdačan pozdrav!



Predsjednik
Admir Suvalić

Obala Kulina bana 1, 71 000 Sarajevo, Bosna i Hercegovina
Tel: +387(0)33 217-844, tel/fax: +387(0)33 217-844
E-mail: ssvoonkbihkoks@gmail.com, web: <http://www.ssvoonkbihkoks.com.ba/>
Transakcijski račun: UniCredit Bank dd Sarajevo broj: 3389002206216219
ID broj: 4200168330069